

籌
辦
夷
務
始
末

卷四十七之四十八

籌辦夷務始末卷之四十七

道光二十二年壬寅四月庚辰浙江巡撫劉韻珂奏逆夷自前月初四日與我兵在慈谿接仗以後或以百餘人或以數十人執持槍械在甯波附近各鄉搜查有無埋伏官兵至二十五六七八等日該逆火輪等船在平湖海鹽等處甯山陰會稽等州縣所轄洋面往來遊奕內有一船直入尖山口內窺探二十九日各船始行退去本月初三日又有三船自餘姚洋面北駛現在迪北之海甯等處並未見其蹤跡或已乘夜潛回亦未可定探聞該逆前在慈谿與我兵接仗被我兵擊斃之衆甚屬不少該逆俱用船隻裝

回。現又聞甯郡時疫漸作。該逆聞有染疫身死之人。並據偵探兵役。目擊有船載病夷十餘人。前赴定海之事。惟甯波鎮海等處傳言。該逆自上年九月間。攻陷三城之後。即遣人回國。糾約醜類。現已糾有夷兵一萬名。兵船四十隻。陸續自粵來浙等語。雖未知其真偽。但逆船自粵省而來。先須由溫台兩府屬洋面經過。再行駛至定海。本年正二月間。溫州府屬之永嘉。瑞安。樂清。台州府屬之太平等縣。時見逆船過境。或一隻。或二隻。均係自南而北。現又據永嘉縣稟有逆船五隻。由該縣洋面北駛。各船載兵載貨。及是否來自該逆本國。抑本係在浙之船。去而復返。或係由

粵閩兩省轉入浙境。無從確查。惟其衆時在甯波等處。操演槍礮。又製造木排。蒙以牛皮。在城內小河演習水戰。並聞其製有木首竹身假夷人。為進攻時誘我槍礮之用。察其居心。有覬覦省垣之意。臣現已通飭文武鎮靜嚴防。儻該逆擁衆內犯。必須細加審視。再行開放槍礮。以免墮其奸計。並因尖山以內。暗沙縷結。向惟海鹽縣黃道關地方居民之駕船為業者。知其險易。其人名為發潮老大。凡船隻出入。均須雇令引帶。否則即有擱淺之患。臣與揚威將軍奕經。因逆船時至海鹽等處游奕。誠恐其探知此事。將發潮老大裹脅入船。逼令引路。致有疏虞。訪查此項發潮

老大不過二百餘人。尚屬易於安頓。遂先札飭海鹽縣。及各委員。全數雇覓來省。派員管帶。飭令撐駕巡船。並照水勇之例。日給雇值。並付安家銀兩。以資養贍。俾逆夷無指引之人。或不致即行闖入。至各場大小酒船。上年冬間。聞該逆有捉擄之謠。經臣奏明封禁。將船隻停泊內河。茲據該司道等查明。小號酒船。止能在海邊駕駛。並不能直入大洋。是小酒船所駛之處。乃各逆船不到之區。不虞即為擄掠。當此土酒旺起。場竈須用孔迫。自應量為變通。庶不致因噎廢食。現已飭令將小船開禁。令其運酒供煎。互相保結。仍責成各場官認真稽查。如有奸匪溷跡。即行嚴拏。

究辦。

諭軍機大臣等。據劉韻珂奏。暎逆在甯波等處製造木排。蒙以牛皮。演習水戰。並聞其製有木首竹身假人。為進兵時誘我槍礮之用等語。該逆詭詐多端。情殊巨測。著沿海各將軍督撫。密飭帶兵將弁。萬一夷船乘夜內犯。必須查探確實。再行開放槍礮。不可墮其奸計。是為至要。將此各諭令知之。

又

諭。據劉韻珂奏。逆夷船隻在尖山等處窺探。並現在辦理情形等語。甯波鎮海等處。既有傳言該逆糾兵添船。自粵來浙。雖未知其真偽。而溫台各屬。報有夷船在洋北駛。平湖海鹽各洋面。又

有火輪等船遊奕。並內窺尖山。數日始行退去。逆情叵測。殊屬可恨。著劉韻珂。仍遵節次諭旨。嚴加防範。毋少疏虞。至該逆製造木排。蒙以牛皮。演習水戰。並製有木首竹身假人。誘我槍礮。萬一逆船內犯。必須查探確實。再行開放槍礮。勿墮奸計。朕已通諭沿海將軍督撫。一體加察矣。其海鹽縣駕船為業之民。名為發潮老大。明於海中沙綫。准其全數雇覓來省。派員管帶。日給雇值。優加養贍。俾該逆無指引之人。不至肆行闖入。至各場酒船。前經封禁。停泊內河。茲據查明場竈需用孔迫。自應量為變通。准其將小號酒船。飭令開禁。運酒供煎。仍令互相保結。責令各場官。認真稽查。如有奸宄涸跡。即行嚴拏究辦。以免勾結。

揚威將軍奕經參贊大臣特依順文蔚齊慎奏。三月十二日。承准軍機大臣字寄。道光二十二年三月初六日。奉

上諭。奕經等奏。現辦防勦事宜一摺。覽奏俱悉。現在續調各路精兵。計可先後到浙。該將軍惟當慎密籌商。固不可冒昧輕進。尤不可坐失機宜。至所獲白黑逆夷回民。及從逆漢奸。仍遵前旨。不准釋放。亦不准殺害。並著查明前此訊出供詞。有無捏飾。務得確情。其所稱老將頭目。恐難憑信。又另片奏。該逆添有夷船多隻。難保非虛詞。啣唱著俟偵探得實。即行馳奏。其失陷城內之守備王國英。及兵勇四十餘名。現在有無確耗。均著查明具奏等因。欽此。竊查川陝征兵。於二月間。撤回紹郡。休養月餘。所

有陣亡缺額。均經陸續補足。受傷弁兵。亦漸次痊愈。並將各勇壯逐日訓練。現在士氣已復。人人思奮。茲又仰蒙

皇上天恩。先後

賞調勁兵四千名。統計四月以內。均可抵浙。彼時聲威益壯。蠶茲

啖逆。諒不難計日殲除。並查浙省自二月以來。天氣放晴。

此北
方
阜天佑順。實深欽感。

五十餘日。尖山以內。江海淺涸。不惟舊有淤沙。未經冲刷。

且各處又復漲起新沙。連日派員探量查驗。均稱水勢日

淺。沙痕浮漲。逆夷大船駛進。必致淺擱。等語。仍恐素悉水

勢之船戶。被脅貪利。暗中引進。復將熟悉沙線水手。名為

發潮老大者。與撫臣會商。委員設法。拘集到省。日給口糧。

不令資為逆用。弩等現分撥兵勇陸續由上虞前進。仍令步步為營。豫備相機進剿。弩齊慎已於二十一日東渡赴紹。先將應分應合之處會同文蔚商定。再行具奏。至前後所獲白黑逆夷。查出白夷內有帶兵頭目名噶布爾。並探得逆夷止由粵閩來船數隻。並無添船四十隻。添兵萬人之多。前次探報難保非逆夷傳言。虛詞恐嚇。續據探報該逆偽水師提督現已更換頭目師地。水軍直茲於十四日由弩文蔚送到四川官兵屯兵義勇等共九名。均係甯郡打仗受傷。失陷城內。本月初九日逆夷咖吐叻遣人將該兵等十一名送出城外。令伊自行回營。並給與每人洋錢三四五

圓不等。內二名受傷較重。現在曹娥江調養。李奕經親加詰問。該兵勇等自矢陷後。逆夷禁在何處。何以止將伊等十一人送出。據該兵勇稱。前在甯郡入城打仗。多係受傷昏暈。迷失道路。未能退出。致被逆夷擒獲。禁在府署。或五六人一處。或三四人一處。每日逆夷給與米飯兩餐。因言語不通。亦未問過大兵情形。忽於初九日。有白夷將伊等十一人。帶至府署大堂。見一夷目。面白無鬚。年約三十餘歲。穿石青袍。告以我今先放爾等回去。如中國官府。將啖咭喇人放回。該逆即將所禁兵勇。全行送出。並無他語。即各給與洋錢三四五圓不等。當派紅夷三名。引伊等十

一人送出城外。該夷仍即進城。復有阮姓在城外告稱。現在舒同知處。具稟投誠之邱士蓮。囑伊備辦船隻。各送給制錢一串。即坐船回至曹江。並稱邱士蓮仍代咖逆辦事。放出兵勇。即係伊向咖逆關說等語。復詢以該逆究竟禁住兵勇若干。守備王國英現在存亡。據稱該兵等分在數處關禁。不准出門見面。實在不知確數。王國英亦未見面。惟傳聞該員因傷病故。亦不能確知詳細。分別研問。均無異詞。已札令翼長尤渤。將該兵勇安置調養。仍密行差探。王國英是否存亡。並在甯關禁兵勇確耗。另行覈實奏聞。又查前次由藩司鄭祖琛轉飭石浦同知舒恭受。設法遣令甯

郡拔貢生阮訓。代拳禁在省之諾哩吐。赴甯郡轉寄夷字一紙。茲復由甯回杭。持有逆夷咖吐叻。寄答夷俘回信一件。並給該貢生漢字一紙。一併呈出。當令通事譯出。其大意止稱現聞中國人待伊等甚好。令伊等忍耐。求哪蘇救助善佑。想法釋放伊等。並告知帶信之人。豫備筆墨寫信。囑伊等少與中國之人共談等語。拳等復詰問阮訓。何時將逆信投遞。逆夷見信。有何議論。如何指點豫備筆墨。帶遞信息。據稱該生係甯波人。於初四日。改裝前赴甯郡。尋見在咖逆處辦事。現已在舒同知處具稟來歸之吉金芝。稱係現在關禁逆夷之房主人。囑來遞送夷信。即將夷信

託伊轉遞。次日。仍由吉金芝。送出回件。並漢字條一紙。囑
皇上傳伊帶回。並傳咖逆言語代所獲各逆。豫備紙筆。以便時常
寄信。該生並未面見。咖逆亦無別項言詞等語。又有拏禁
在省之逆夷管兵頭目。斡布爾。寫出夷信一件。懇求轉寄。
拏等飭通事譯出。尚無違悖字句。惟該逆信中。有逆夷來
浙打仗。不知何意。求准該逆函問逆目。啊啡之言。拏等未
敢擅便。其咖吐叻回信。是否准令諾哩吐閱看。斡布爾之
信。是否仍飭舒恭受等遣人寄去之處。請

旨遵辦。現在拏等已札飭兵勇分隊。陸續前進。步步為營。一遇有
可乘之機。即相照會。奮力攻勦。斷不敢稍行畏葸。致失機

宜。

英經特依順文蔚齊慎又奏。道光二十二年三月初六日。

內閣奉

上諭。奕經等奏查明與逆夷接仗陣亡各員。請分別賜卹一摺。覽奏深為惻憫。浙江金華協副將朱貴臨陣戰歿。其子武童朱昭南同時殉難。實為忠義可嘉。朱貴著照總兵例賜卹。朱昭南併著一體議卹。仍著該將軍等查明朱貴現尚有子幾人。及朱昭南有無子嗣之處。即行具奏等因。欽此。仰見我

皇上軫念蓋臣。有加無已之至意。等語。遵即飭令翼長安徽壽春鎮總兵尤渤。確查具稟。旋據稟覆前來。查前金華協副將

朱貴。現有子三人。長子朱廷瑞。係前任江西南昌府武甯縣典史。丁母憂服闋。赴營投效。第三子朱暉南。係陝西乾州汎千總。調赴軍營。奮勇出力。現在奏請陞補陝西隆德營守備。尚未接奉

諭旨。第四子朱共南。隨同打仗受傷。經茅保奏蒙

恩賞戴藍翎在案。其同時殉難。朱貴第二子武童朱昭南。有子一人朱綱。年甫四歲。現在原籍。

諭內閣。朱昭南。隨同伊父朱貴。同時陣亡。忠勇可嘉。茲據英經等遵旨查明。朱昭南之子朱綱。年甫四歲。現在原籍。著俟及歲時。由該原籍督撫送部。帶領引見。候朕施恩。

諭軍機大臣等。本日據奕經等馳奏。大兵陸續前進。及逆夷寄答回書。送出失陷兵勇各緣由一摺。覽奏均悉。浙省自二月以來。尖山以內。江海淺涸。漲起新沙。逆夷大船不能駛進。現將熟悉沙線之水手。拘集到省。不令為逆所用。辦理甚為周妥。偽水師提督。更換頭目師地。其從前領兵頭目。現在作何下落。守備王國英。果否因傷病故。亦著查詢明確。咖吐叻所回之信。著准令啫哩吐閱看。其噶布爾之信。亦准令遣人寄去。並傳知噶布爾。汝等如有回書。務須從實寫明。現在相待甚好。如被掠內地兵勇。好好看待。中國斷不肯將所俘夷人。遽行殺戮。儻或傷害一人。伊姓命即不能保全。至現在內地所獲夷人。不准書內開寫。